

四庫全書

史部

欽定四庫全書

大唐開元禮卷一百十

唐 蕭嵩等 撰

嘉禮

皇太子加元服

告太廟

臨軒命賓贊

冠

會賓贊

朝謁

皇太子謁太廟

羣臣上禮

皇太子會宮臣

宮臣上禮

告太廟

皇太子將冠先告太廟如常告之儀

臨軒命賓贊

所司預奏請司徒一人為賓卿一人為贊冠吏部承以
戒之前一日尚舍奉御整飾御幄於太極殿衛尉設羣
官朝集使諸蕃使次於左右朝堂太樂令展宮懸之樂
於殿庭設舉麾位於殿上一位於懸下鼓吹令設十二案
乘黃令陳車輅尚輦奉御陳輿輦典儀設文官一品以下

五品以上位於橫街之北西面北上諸州使人五品以
上合班六品以下位於橫街南諸州使人六品以下諸
蕃官又在南皆西面北上設武官五品以上位於橫街
北東面北上諸州使人五品以上合班諸親位於其南六品
以下位於橫街南諸州使人六品以下及蕃客等又在其
南皆東面北上設典儀位於懸之東北贊者二人在南
少退俱西向設賓受命位於橫街南道東北面贊者位
又於其後少東北面奉禮設門外文官一品以下位

於順天門外道東每等異位重行西面武官一品以下
位於門西每等異位重行東面並以北為上其日諸衛勒
所部列黃麾仗如常儀羣官依時刻集朝堂俱就次各
服其服侍中量時版奏請中嚴協律郎太樂令帥工人
入就位諸侍衛之官各服其器服奉迎典儀帥贊者先
入就位通事舍人引先至羣官入立定又引賓贊入立
於太極門外道東西面黃門侍郎引主節持幡節中書
侍郎引制書案立於樂懸東南西面北上侍中版奏外

辦皇帝服通天冠絳紗袍以出曲直華蓋警蹕侍衛如

常儀皇帝將出仗動太樂令令撞黃鍾之鐘左五鐘皆

應協律郎舉麾

凡樂皆協律郎舉麾工鼓祝而後作偃麾戛鼓而後止

鼓祝奏太

和之樂皇帝乘輿出自西房即御坐南向坐符寶郎奉

寶置於御坐樂止通事舍人引賓贊入就位賓贊初行

入門舒和之樂作至位樂止立定典儀曰再拜侍中及舍

人前承制侍中降至賓前稱有制公再拜侍中曰將加冠於

某之首公其將事公少進北面再拜稽首辭曰臣不敏

恐不能供事敢辭侍中升奏又承制降稱制旨某公其將事無辭公再拜退復位侍中退舍人至卿前稱勅旨卿再拜舍人曰將加冠於某之首卿宜贊冠卿再拜舍人退黃門侍郎引主節至賓所主節以節授黃門侍郎黃門侍郎執節立於賓東北西面賓再拜受節付主節訖又再拜主節立於賓後黃門侍郎退中書侍郎引制書案至賓所取制書在賓東北西面立賓再拜受制書執立又再拜持案人立於賓後中書侍郎退典儀曰再拜贊者

承傳羣官在位者皆再拜舍人引賓贊出賓贊初行樂
作出門樂止侍中前跪奏稱侍中臣某言禮畢俛伏興
還侍位皇帝興太樂令令撞蕤賓之鐘左五鐘皆應鼓
祝奏太和之樂皇帝降坐侍衛警蹕如來儀入自東房
樂止舍人引一品以下以次出初賓贊出門賓以制書
置於案升車從輅而行威儀銑吹詣東宮降輅入次賓
贊具服其一品以下以次出蕃客各還館九品以上詣
東宮朝堂次服其服就位如冠儀

冠

前一日衛尉設賓次於重明門外道西南向贊冠次
又於其西南向並鋪床席又於重明門內道西設一次
擬會賓贊設文武羣官九品以上及諸親并宮臣次如
常儀奉禮設文武羣官九品以上諸親在五品之下及
宮臣門外位如常儀典儀設殿庭位文武羣官共宮臣
合班諸親在五品下文官在東西面武官在西東面皆
以北為上又設皇太子位於閣外道東西向設三師位

於閣外道西三少位於三師之南少退俱東向典儀又設皇太子受制位於樂懸北北面所司設軒懸之樂於殿庭又設舉麾位於殿上一位於懸下有司設皇太子羽儀車輿於殿庭如常式典設帥其屬鋪解劍席於懸之東北冠日平明宮臣皆朝服非宮臣者公服三師三少公服並集於重明門外次宗正卿公服乘犢車侍從詣左春坊權停左右二率各勒所部屯門列伏左庶子版奏請中嚴工人及諸行事之官各入就位奉

欽定四庫全書

大禮開元禮
卷一百十

五

禮設罍洗於東階東南罍在洗東篚在洗西南肆

實

巾加
勺

典設郎鋪皇太子冠席於殿上東壁下少近南西

向設賓席於西階上東向設主人席於皇太子席西南

西向設三師席於冠席北三少席於冠席南典設張帷

帳於東序內設褥席於帷中又張帷幄於序外擬置饌

物等內直郎陳服於帷內東領北上袞冕服玄衣纁裳

九章白紗中單黼領襟襪裾革金鈎鰈大帶朱黼二章

玉具劔火珠鏤首瑜玉雙佩珠組雙大綬四彩赤白縹

紺純朱質長一丈八尺三百二十首廣九寸

小綬長二尺六寸色

同大綬而首半之間施二玉環

白鞵赤舄金飾象笏遠遊冠服絳紗袍

白紗中單皂領標襪裾白方心曲領假帶絳紗蔽膝白

練裙襦白鞵黑舄其革帶劔佩綬笏與冕服同緇布冠

玄衣素裳素鞵白紗中單青領標襪裾履鞵革帶大帶

笏緇纚

用皂羅巾方六寸屬帶於前兩隅

犀簪二物同箱在服南櫛實

於箱又在南莞筵四紛純繅席四績純又在南良醞令

實側樽甒醴加勺幕於序外帷內設壘在洗北篚在洗

南東肆實巾一角觶角枲各一加冪太官令實饌豆九
籩九於樽西俎三在豆北執在庭壘洗者絳公服立於壘
洗之南北向執帷內尊壘洗籩豆俎等並絳公服立於
尊壘豆俎之所冕白珠九旒犀導組纓青纁充耳遠遊
三梁冠金附蟬九首施朱翠黑介幘犀導肆髮纓綏緇
布冠青組纓屬於冠冠冕各一箱盛奉禮二人各執立
於階之西東面北上主人贊冠者庶子為之升詣東序帷內
少北戶東西面立典謁引羣官以次入就位初賓贊入

次左庶子版奏外辦通事舍人引三師等入就閣外道

西位東面立皇太子著空頂黑介幘雙童髻玉導寶飾

彩衣

紫褶綠袴標領
綠錦紳烏皮履

乘輿以出洗馬迎於閣門外左庶

子跪奏稱左庶子臣某言請殿下降輿俛伏興還侍位

皇太子降輿洗馬引之道東位西向立左庶子又前跪

奏稱左庶子臣某言請殿下再拜皇太子再拜三師三

少答再拜洗馬引就階東南位三師訓導在前三少訓

從於後千牛二人夾左右其餘仗衛列於師保之外通

事舍人引宗正卿入見皇太子訖通事舍人引出迎賓洗馬

引皇太子初行樂作至階東西面立偃麾樂止

凡樂皆伶官帥舉麾工鼓

祝而後作偃麾
戛鼓而後止

宗正卿迎賓於門東西面賓立於門西東面

宗正卿再拜賓不荅拜賓入門樂作主人從入立於樂懸東

北西面賓入贊冠者從入舍人引賓詣殿階間南面樂止贊

冠者立於賓西南東面節在賓東少南西面制案在贊冠

西南東面賓就案取制執洗馬引皇太子詣受制位北面

立皇太子初行樂作至位樂止主節脫節衣賓稱有制皇

太子再拜宣詔曰制皇太子某吉日元服率由舊章命
太尉某就宮展禮訖皇太子又再拜少傅進詣賓前
受制書退授皇太子皇太子受制書付庶子案退洗馬
引皇太子師保等如式升東階

量人從升

初行樂作至階樂

止入東序帷內近北南面立師保等各就席位訖賓升
西階宗正卿升東階各立席後初賓升舍人引贊冠者
詣壘洗盥手升自東階詣序帷內於主人贊冠之南俱
西面贊冠者引皇太子出立於席東西面賓之贊冠者

取纒櫛二箱坐奠於皇太子筵南端興席北少東西面立賓揖皇太子進升筵西向坐賓之贊冠者進筵前東面坐脫空頂黑介幘置於御箱櫛畢設纒興少北南面立賓降盟主人從降樂作賓升樂止主人從升執緇布冠者升賓降一等受之右執頂左執前進皇太子筵前東面立祝曰令月吉日始加元服棄厥幼志慎其成德壽考惟祺以介景福乃跪冠興復位東面立賓之贊冠進簷前東面跪結纓興復位皇太子興賓揖皇太子贊冠者

引皇太子適東序帷內着玄衣素裳之服以出立於席
東西面賓揖皇太子皇太子進升筵西向坐賓之贊冠
者進筵前東面跪脫緇布冠置於黑介幘之箱櫛纚依舊
不解興復位賓降二等受遠遊冠右執頂左執前進皇
太子筵前東向立祝曰某月令辰乃申嘉服克敬威儀
式昭厥德眉壽萬年永膺明福乃跪冠興復位賓之贊
冠者跪設簪結纓興復位皇太子興賓揖皇太子贊冠
者引皇太子適東序帷內着朝服以出立於席東西面

欽定四庫全書

大禮開元禮
卷一百十

賓揖皇太子皇太子進升筵西向坐賓之贊冠者進筵前東南跪脫遠遊冠置於廂纚櫛依舊不解興復位賓降三等受冕右執頂左執前進皇太子筵前東向立祝曰以歲之正以月之令咸加其服以成厥德萬壽無疆承天之慶乃跪冠興復位賓之贊冠者跪設簪結纓興復位皇太子興賓揖皇太子贊冠者引皇太子適東序着袞冕之服以出立於席東西面贊冠者徹纚櫛二箱入於帷內又取筵入於帷內主人贊冠者又設醴皇太子

席於室戶西南向上莞下藻賓之贊冠者於東序外帷內盥手
洗解典膳郎酌醴加栖覆之面柄授賓之贊冠者受面
葉立於序內南面賓揖皇太子贊冠者引皇太子就筵西
南面立賓進受醴加栖面柄進皇太子筵前北向立祝
曰甘醴惟厚嘉薦令芳拜受祭之以定厥祥承天之休
壽考不忘皇太子筵西拜受解賓復位東面答拜贊冠
者與進饌者奉饌設於皇太子筵前皇太子升筵左執解右
取脯濡於醢祭於籩豆之間贊冠者取韭菹遍濡於豆以授

皇太子又祭於籩豆之間贊冠者取肺一以授皇太子
皇太子奠觶於薦西興受肺卻左手執本坐繚右手絕
末以祭上左手嚙之興以授贊冠者贊冠者加於俎皇
太子坐悅手取觶以杓祭醴三始扱一祭又扱再祭加杓
於觶葉興筵末坐啐醴建杓興降筵西南面坐奠觶再拜執
觶興賓答拜皇太子升筵坐奠觶於薦東興降筵贊冠者
引皇太子降自西階立於西階之東南面賓初答拜訖
降立於西階之西近南東面賓之贊冠者隨降立於賓

西南東面皇太子立定賓少進字之曰儀禮既備令月吉日昭告厥字君子攸宜宜之於嘏永受保之奉勅字某皇太子再拜曰某雖不敏敢不祇奉又再拜洗馬引皇太子降初行樂作至阼階下位樂止三師在南北面三少在北南面立定皇太子西面再拜三師等答再拜以出於三師拜訖典儀曰再拜贊者承傳羣官在位者皆再拜左庶子前稱禮畢皇太子乘輿以入侍臣從至閣如常儀初皇太子降通事舍人引賓贊及宗正出就會所

會賓贊

賓既出立於會所門外之西東面北上宗正卿立於門東西面立定一揖一讓而入宗正卿立於坐東西面賓贊立於坐西東面俱再拜就位俛伏坐遂行酒酒至賓主俱興再拜就席坐飲食至賓主俱興設食訖賓主俱坐食會訖賓主俱興賓贊立於西廂東面南上宗正卿立於東廂西面執事奉束帛之筐以授宗正卿又執事者奉束帛筐立於宗正卿之後牽馬者牽乘馬入陳於庭

北首西上賓贊俱迴北面西上再拜宗正卿以幣篚進西南向授賓執事者以幣授贊冠者宗正卿與執事者退復位賓贊降從者互受幣賓當庭實揖左右以馬出三馬出從者互受馬宗正卿出門東西面賓贊出門西東面北上宗正卿與賓贊俱揖而退賓贊就車輅詣順天門外復命

朝謁

朝前衛尉先於順天門外東朝堂之北設太子次又於後

設三師三少及詹事等次皇太子冠訖諸衛率依常行鹵簿陳列威儀伏衛前後部鼓吹備列師傅以下及宮官皆服其服皇太子服遠遊冠絳紗袍乘輿以出儀衛侍從如常禮洗馬前道皇太子出重明門左庶子跪奏請降輿升輅又左庶子稱令曰諾左庶子俛伏興皇太子降輿升金輅三師乘輅車訓導在前三少亦乘輅車訓從在後威儀仗衛依鹵簿發引鳴鑼而行至長樂門鑼吹止皇太子至順天門外次迴輅西向左庶子跪奏請降輅就次又左庶子稱令曰諾左庶子俯

伏興皇太子降輅洗馬前導入次左庶子侍左右庶子侍右舍人引三師三少詹事就次皇太子停大次少頃舍人奏聞典儀先於皇帝所御殿前北向設皇太子位左庶子跪奏請入又左庶子稱令曰諾左庶子俯伏興皇太子出次左庶子等夾侍舍人引洗馬導引當門揖引入外宮諸衛儀鹵簿等悉陳列於門外皇太子入自東上閣洗馬左庶子等從入至皇帝所御殿前位北向立從官陪後左庶子贊拜皇太子再拜侍中宣勅戒曰事親以孝接下以仁使人以義養人以惠

訖皇太子再拜少進稱臣雖不敏敢不祇奉皇太子又再拜訖引下詣皇后所御殿至殿院內給事奏聞出引皇太子入洗馬左庶子等不入太子至皇后所御殿前北面立再拜尚儀前承令降詣皇太子西北東面稱令旨皇太子再拜宣令戒曰事親以孝接下以仁使人以義養人以惠訖皇太子再拜少進稱臣夙夜祇奉不敢失墜皇太子又再拜司言引至閣舍人承引以出皇太子還如來儀

皇太子謁太廟

前一日皇太子宿齋於正殿其宮臣從入廟者宿齋於家正

寢所司掃除廟之內外衛尉設皇太子次於廟西南角東向
又設三師以下及宮官次於皇太子次之後少近西俱東向
又設宮官次於東宮朝堂奉禮設皇太子版位於廟庭道東
北向典儀設宮臣位於重明門外文官在東西面武官在西
面每等異位重行俱以北為上其日未明所司依鹵簿陳設
於重明門外宮臣應從者依時刻集朝堂次皆服朝服非朝
服者公服諸衛率各勒所部陳設如式左廡于版奏請中嚴
僕進金輅於西閣外南向車右執刀立於輅前北向舍人引

宮臣各就位侍衛之官各服其器服右庶子負寶如式俱詣
閣奉迎左庶子版奏外辦僕奮衣而升正立執轡皇太子服
遠遊冠絳紗袍以出左右侍衛如常儀洗馬引皇太子升僕
立授綏命車右升訖車驅左庶子以下夾侍如式出重明門
左庶子進當輅前跪奏稱左庶子臣某言請車輅權停飭侍
臣上馬俛伏興稱侍臣上馬贊者唱侍臣上馬文武侍臣皆
上馬宮臣上馬畢左庶子進當輅前跪奏稱左庶子臣某言
請發引俛伏興退復位皇太子車輅動鑾吹不作文官在左

武官在右至下馬所侍臣並下車馬皇太子至次所迴輅南向左庶子跪奏稱左庶子臣某言請殿下降輅俛伏興還侍位皇太子降輅洗馬引入次侍臣立如常皇太子入次一刻項左庶子跪奏稱左庶子臣某言請殿下出次俛伏興皇太子出次謁者引家令家令引皇太子入自南門三師三少導從如式庶子二人一人贊左一人贊右舍人二人從近仗量人從入皇太子至位立定家令奏請殿下再拜皇太子再拜少頃家令奏請殿下再拜辭皇太子再拜辭家令奏禮畢謁

者引家令家令引皇太子出自南門升輅還宮如來儀至重
明門外皇太子乘輅入將士停三師三少還皇太子至殿前
迴輅左庶子跪奏請殿下降輅俯伏興皇太子降入侍臣從
至問左庶子奏請將士各還本位其還宮鳴鑼吹如常

會羣臣

皇太子冠見廟之明日皇帝會羣臣如元會之儀其上壽詞
云皇太子爰以吉辰載加元服德成禮備普天同慶臣等不
勝悅豫謹上千萬歲壽

羣臣上禮

先上禮三日本司宣令諸應上禮文武之官一品以下五品以上前一日衛尉量設次於東朝堂晝漏上水七刻各集於次皆服朝服奉禮先設上禮之官位於東朝堂之南文東武西北面重行相對為首又設中書舍人位於文官為首者之北南向設奉禮位於文官東北贊者二人在南差退俱西向牛酒在文武二位之間少前舍人各引應上禮之官就位定令史二人對舉賀

錄案禮部郎中引就中書舍人前取賀錄授舍人訖引
案退奉禮唱再拜贊者承傳在位者皆再拜中書舍
人奉賀錄入進舍人引在位者退酒十二斛犢十二頭
赤繩為籠頭奏訖并付所司

皇太子會宮臣

皇太子會宮臣如常會之儀上壽詞云具官臣某等言
伏惟殿下爰以吉辰載加元服禮備德成臣等不勝悅
豫謹上千萬歲壽

宮臣上禮

先上禮一日詹事宣告上禮之官詹事以下七品以上
畫漏上水七刻皆朝服集東宮南門外之左典儀先
設羣官位於中門外北面以西為上牛酒置位西五
步少近畫漏上水八刻通事舍人引羣官皆就位立定
詹事丞奉羣官簡錄案於詹事前東面跪授導客舍人
導客舍人西面立受迴南向立典儀唱再拜詹事以下
俛伏興皆再拜導客舍人以簡錄案入通事舍人引羣

官詹事以下退酒九斛盛以銅鍾一斛犢九頭赤繩為籠皆付所司

大唐開元禮卷一百十

欽定四庫全書

大唐開元禮卷一百十一 唐 蕭嵩等 撰

嘉禮

皇太子納妃

臨軒命使

納采

問名

納徵

告期

告廟

冊妃

臨軒醮戒親迎

同牢

妃朝見

會羣臣

臨軒命使

將行納采制命使者吏部承以戒之前一日尚舍奉御設御幄於太極殿北壁下南向衛尉設羣官位於東西朝堂太樂令展宮懸於殿庭並如常儀其日典儀設文官一品以下五品以上位於橫街之北西面北上朝集使五品以上合班六品以下位於橫街南朝集使六品以下合班蕃客又於其南皆西面北上設武官五品以上

位於橫街北朝集使五品以上合班諸親位於其南六品以下位於橫街南朝集使六品以下蕃客等又在南皆東面北上設典儀位於懸之東北贊者二人在南少退俱西向設舉麾位於殿上西階之西東面設使者受命位於橫街南道東北面西上奉禮設門外位文官一品以下五品以上位於順天門外道東每等異位俱重行西面武官三品以下位於門西每等異位俱重行以北為上未明二刻諸衛勒所部屯門布黃麾半仗入陳於殿庭

如常儀羣官依時刻集朝堂俱就次各服朝服侍中量時刻版奏請中嚴劔戟近仗就陳於閤外太樂令以下帥工人入就位諸侍衛之官各服其器服侍中中書令以下諸侍臣俱詣閤奉迎典儀帥贊者先入就位吏部兵部贊羣官出次典謁各引就門外位侍中版奏外辦皇帝服袞冕乘輿以出曲直華蓋侍衛警蹕如常儀皇帝出自西房即御坐南向坐符寶郎奉寶置於御坐如常儀通事舍人引羣官以次入就位立定典儀曰

再拜贊者承傳羣官在位者皆再拜吏部與禮部侍郎贊使主副出典謁引就受命位侍中前承制降詣使者西北東向稱有制使主副俱再拜侍中宣制訖使主副又再拜侍中還侍位典謁引使者主副出初使者將出典儀曰再拜贊者承傳羣官在位者皆再拜通事舍人引羣官出侍中前跪奏稱侍中臣某言禮畢俛伏興還侍位皇帝降坐入自東房侍衛警蹕如來儀侍臣從至閤使主副乘輅備儀仗而行從者乘輿以從

納采

前一日主人設使者次於大門之外道右南向其日大

昕使者公服至於妃氏大門外掌次者延入次

凡賓主及行事

者皆公服

主人受其禮於廟

無廟者受於正寢

掌事者布神席於室

戶外之西莞筵粉純加藻席畫純南向右彫几使者出

次謁者引立於大門外之西東面主人立於大門內西面儼

者立於主人之左北面受命出立於門東西面曰敢請事

使者曰奉制作儼儲宮允歸令德率由舊章使其納采

儻者入告主人曰臣某之子不教若如人既蒙制訪某不敢辭儻者出告掌畜者以鴈授使副使副進授使者退復位使者左手執之儻者引主人迎於大門外之南北面再拜使者不答拜謁者引使者入門而左主人入門而右使者升自西階立於楹間俱南面西上主人升自東階進使者前北面使者曰某奉制納采主人降詣階間北面再拜稽首升進北面受鴈退立於東階上西面使者降自西階以出

問名

使者既出立於門外之西東面初使者降左右受鴈於序端主人降立於內門東廂西面儻者進受命出請事使者曰某將加卜筮奉制問名儻者入告主人曰制以某之子備數於儲宮臣某不敢辭儻者出告掌畜者以鴈授使副使副進授使者退復位儻者引主人迎於內門外之南北面再拜使者升自西階立於楹間俱南面西上主人升自東階進使者前北面使者曰某奉制問

名將加諸卜筮主人降詣階間北面再拜稽首升進北面受鴈少退仍北面曰臣某第幾女某氏出使者降自西階出立於門內外之西東面初使者降主人退立於阼階東左右受鴈於序端主人降立於內門東廂西面儼者進受命出請事使者曰禮畢儼者入告主人曰某公為事故至於某之室某有先人之禮請禮從者儼者入告使者曰某既得將事敢辭儼者入告主人曰先人之禮敢固以請儼者出告使者曰某辭不得命敢不從儼

欽定四庫全書

大店開元
卷一百十一

者入告遂引主人升立於序端掌事者徹几設二筵東上

用各

莞筵黼純加藻席紛純

設饌醴於東房西墉下加勺設冪篚在樽南實

解二角枲二各籩一豆一實以脯醢在篚南又設洗於東階

東南如常施設訖儼者引主人降迎使者於內門外之東
西面揖使者先入使者入門而左主人入門而右三揖使
者皆不報至階主人曰請某位升使者曰某敢辭主人又
曰固請某位升使者揖主人使者升自西階北面東上
主人升自東階北面再拜使者西階上北面答拜主人

受几於序端掌事者內拂几三奉兩端西北向以進主人東南向外拂几三振袂內執之掌事者一人又執几以從主人進西北向使者序進迎受於筵前東南向以俟主人還東階上北面拜送西南立使者以几進北面跪各設於坐差退於西階上北面東上各拜送答再拜立於階西東面南上贊者二人俱升取解降盥手洗解升實醴加柶於解覆之面葉出房南面主人受醴面柄進使者筵前西北面主人贊者執解以從使者西階上北面各一拜序進筵前

東南面主人又以次授醴使者受俱復西階上位主人退復東階上北面一拜送掌事者以次進脯醢於筵前使者各進升筵皆坐左執觶右取脯擣於醢祭於籩豆之間各以柶祭醴三始扱一祭又扱再祭興各以柶兼諸觶上臘降筵於西階上北面坐俱啐醴建柶各奠觶遂拜執觶興主人答拜使者進升筵坐各奠觶於薦東降筵序立於西階上東面南上掌事者牽乘馬入陳於門內三分庭一在南北首西上又掌事者奉幣篚升自東階以授主人主人受

於序端進西位掌事者一人又奉幣篚立於主人之後
使者西階上俱再拜主人進詣楹間南面立使者序進
立於主人之西俱南面主人以幣授使者使者受退立於西
階上東面執幣者又以幣篚授主人主人受以授使副使副受
之退立於使者之北俱東面主人還東階上北面拜送使者降
自西階從者迓受幣使者當庭實揖馬以出牽馬者從
出使者出大門外之西東面立從者迓受馬主人出門
東西面再拜送使者退主人入立於東階下西面儼者

告於主人曰賓不顧矣主人反於寢

納吉

前一日主人設使者次如常其日大昕使者至妃氏大門外掌次者延入次掌事者設几筵如常使者出次謁者引立於大門之西東面主人於大門內西面儼者進受命出請事使者曰加諸卜筮占曰協從制使某也納吉儼者入告主人曰臣某之女弗教唯恐不堪龜筮曰吉臣預在焉臣某謹奉典制儼者出告掌畜者以鴈授使

副使副進授使者退復位使者左手執之儼者引主人
迎於門外之南北面再拜使者不答拜謁者引使者入
門而左主人入門而右使者升自西階立於楹間南面
西上主人升自東階進使者前北面使者曰某奉制納吉主
人降階北面再拜稽首升進北面受鴈使者降自西階
以出立於大門外之西東面初使者降主人還阼階東
左右受鴈於序端主人降立於內門內西面儼者進受
命出請事使者曰禮畢其賓使者如問名之儀

納徵

前一日主人設使者次如常儀其日大昕使者至妃氏大門外掌次者延入次執事者設布帛於內門之外玄纁束帛陳於幕上乘馬陳於幕南北首西上執事者奉穀圭以匱俟於幕東西面主人掌事者設几筵如常使者出次謁者引立於大門外之西東面主人立於大門內西面儼者進受命出請事使者曰制使某以玉帛乘馬納徵儼者入告主人曰奉制賜臣以重禮臣某祇

奉典制儼者出告又儼者引主人迎於門外之南北面
再拜使者不答拜謁者引使者入門而左主人入門而右至於
內門使者立於門西東面北上主人立於門東西面執事者坐
啓匱取珪加於玄纁上興以授使副使副進授使者退
復位使者受玉帛謁者引使者入門而左主人入門而
右牽乘馬者從入三分庭一在南北首西上使者升自西階
立於楹間俱南面西上主人升自東階進使者前北面
使者曰某奉制納徵主人降詣階間北面再拜稽首升

進北面受玉帛使者降自西階出立於內門外之西東
面初使者降主人還阼階東左右受玉帛於序端主人
降立於內門內西面於主人受玉帛受馬者自左受之
以東牽馬者既授馬自前西面出僮者進受命出請事
使者曰禮畢其賓使者如納吉之儀

告期

前一日主人設使者次如常其日大昕使者至於妃氏
大門外掌次者延入次掌事者設几筵如常使者出次

謁者引立於大門外之西東面主人立於門內西面僮
者進受命出請事使者曰詢於龜筮於某月某日吉制
使某告期僮者入告主人曰臣某謹奉制僮者出告掌
畜者以鴈授使副使副進授使者退復位使者左手執
之僮者引主人迎於門外之南北面再拜使者不答拜
謁者引使者入門而左主人入門而右使者升自西階
立於楹間俱南面西上主人升自東階進使者前北面使者曰
某奉制告期主人降詣階間北面再拜稽首升進北面

受鴈退位于東階上西面使者降自西階以出立於內門外之西東面初使者降主人還阼階東左右受鴈於序端主人降立於內門內西面儔者進受命出請事使者曰禮畢其賓使者如納徵之儀

告廟

有司以特牲告如常禮

祝文臨時撰

冊妃

前一日主人設使者次如常設宮人次於使者面南俱

東面障以行帷其日奉禮設使者位於大門外之西東
向使副及內侍位於使者之南舉冊案及璽綬命服者在
南差退俱東向設主人位於門南北面設使者以下及
主人位於內門外又如之設典內位於內門外主人南
西面設宮人位於門外於使者之後俱重行東向
以北為上障以行帷設贊者二人位於東階東南西向
典內預設一案於閤外近限使者主副朝服乘輅持節
備儀仗鼓吹備而不作至妃氏大門外使者降輅掌次

者延入次宮人等各之次掌嚴奉綸翟衣及首飾內廐尉進厭翟車於大門之外道西東向以北為上諸衛率其屬布妃儀仗如常使者出次典謁引使者以下持節者前導及宮人典內各就位持節者立於使者之北少退俱東向主人朝服出迎於大門外之東西面立定少頃北面再拜使者不答拜典謁引使者持節者前導入門而左持案以下從之主人入門而右至內門外各就位立定奉冊寶奉案者進當使副前使副受冊寶案者退復位

使副以冊寶進授使者退復位內侍進使者前西面受冊寶東面授典內退復位典內持冊寶入立於閤外之西東面跪置冊寶於案典內俛伏興奉衣服及侍衛者從入皆立於典內之南俱東面北上傅姆贊妃出引立於庭中北面掌書進跪取玉寶興進立於妃前南向掌嚴奉首飾及榆翟與諸宮官侍衛者以次入侍衛如常典內還復位司則前贊妃再拜還侍位妃再拜司則進掌書前北面受冊寶進妃前南向授妃妃受以授司閨

司則又前贊妃再拜還侍位妃又再拜訖司則前請妃
升坐還侍位司閨引妃升坐南向坐宮官以下俱降立
於庭重行北面以西為上立定贊唱者曰再拜宮官以
下皆再拜訖諸應侍衛者各升立於侍位司則前啓禮
畢妃降坐司閨引妃入於室主人賓使者如禮賓之儀
使者乘輅而還

臨軒醮戒

前三日本司宣攝內外各供其職前一日衛尉設次於

東朝堂之北西向又設宮官次於重明門外如常儀其
日前三刻宮官俱集於次各之次皆服其服諸衛各勒
其所部依圖陳設左庶子奏請中嚴內僕進金輅於西閤
外南向內率一人執刀立於輅前北向前二刻諸衛之
官各服其器服以次詣閤奉迎右庶子負璽如式宮
官應從者各出次立於門外文東武西重行相向北上
左庶子奏外辦太僕奮衣而升執轡皇太子著袞冕之服
以出左右侍衛如常儀皇太子乃升僕立授綏車驅左

庶子以下夾侍如常出門車權停令車右升輅陪乘宮臣上馬畢皇太子車動鼓吹振作如式文武官皆乘馬以從如常至承天門下車所迴輅南向左庶子進當路前跪奏稱左庶子臣某言請降輅俯伏興還侍位皇太子降輅典謁引舍人舍人引皇太子就次侍衛如常儀前一日尚舍奉御整設御坐於太極殿阼階上西向衛尉設葦官次於朝堂太樂令展宮懸於殿庭乘黃令陳車輅並如常儀其日尚舍直長鋪皇太子席位於戶牖

間南向

其席莞筵紛純
加藻席績純

尚食奉御設酒尊於東序下有

坫加勺設冪寶爵一又陳籩脯一豆醢一在尊西脯前三刻典儀設羣官版位於內奉禮設版位於外如朝禮諸衛勒所部屯門布仗立仗入陳於殿庭羣官依時刻集朝堂俱就次各服其服侍中版奏請中嚴鉞戟近仗就陳於閤外太樂令帥工人入就位脯前一刻諸侍衛之官各服其器服侍中中書令以下俱詣閤奉迎典儀帥贊者先入就位吏部兵部贊羣官俱出次通事舍人

各引就門外位侍中版奏外辦皇帝服通天冠絳紗袍
乘輿以出曲直華蓋警蹕侍衛如常儀皇帝出自西房
即御坐西向坐符寶郎奉寶置於御坐如常儀通事舍
人引羣官以次入就位羣官立定典儀曰再拜贊者承傳羣
官在位者皆再拜初羣官入訖典謁引舍人舍人引皇
太子入侍從如常式皇太子每行事左庶子執儀贊相至懸南北面立典儀曰
再拜贊者承傳皇太子再拜典儀引舍人舍人引皇太
子詣西階皇太子脫烏舍人引升就席西南面立尚食

奉御酌酒於序進詣皇太子西南東面立皇太子再拜
受爵尚食直長又薦脯醢於席前皇太子升薦坐左執
爵右執脯擣於醢祭於籩豆之間右祭酒興降席西南
面坐啐酒奠爵再拜執爵興奉御受虛爵直長徹薦還於
房舍人引皇太子進當御坐前東面立皇帝命之曰往
哉爾相承我宗事勗率以敬皇太子曰臣謹奉制旨遂再拜
舍人引皇太子降自西階納舄訖典謁引舍人舍人引皇太
子出門典儀曰再拜贊者承傳羣官在位者皆再拜通事舍

人引羣官以次出侍中前跪奏稱侍中臣某言禮畢俛伏興還位皇帝降坐入自東房警蹕侍衛如來儀侍臣從至閤

親迎

前一日侍衛設皇太子次於妃氏大門之外道西南向設侍衛羣官次於皇太子次西南東向北上皇太子既受命遂適妃第執燭前馬鼓吹振作如式侍從如常皇太子車至妃氏大門外次前迴輅南向左庶子進當路前跪奏左庶子臣某言請降輅俛伏興還侍位皇太子

降輅之次車將至主人設几筵如常禮女如別儀妃服
褕翟花釵立於東房侍從如常主婦衣禮衣鈿釵出立
於房戶外之西南向主人公服出立於大門之內西面

在廟則主人
以下著祭服

儼者公服立於主人之左北面左庶子前

跪奏稱左庶子臣某言請就位俛伏興還侍位皇太子
出次立於門西東面侍衛如常儀儼者進受命出門東
西面曰敢請事左庶子承傳進跪奏如常皇太子曰以
茲初婚某奉制承命左庶子俛伏興傳於儼者入告主

欽定四庫全書

大唐開元禮
卷一百十一

十六

人曰某謹敬具以須儻者出傳於左庶子左庶子進奏如初儻者入引主人迎於門外之東西面再拜左庶子前跪奏稱左庶子臣某言請答拜俛伏興還侍位皇太子答拜主人揖皇太子先入掌畜者以鴈授左庶子左庶子進東南向奉授皇太子既執鴈進入侍衛者量入侍從及內門主人讓曰請皇太子入皇太子曰某弗敢先主人又曰固請皇太子入皇太子又曰某固勿敢先主人揖入皇太子從入皇太子入門而左主人入門而

右及內門主人揖入及內雷將曲揖當階揖皇太子皆
報揖至於階主人曰請皇太子升皇太子曰某敢辭主
人曰固請皇太子升皇太子又曰某敢固辭主人又曰
終請皇太子升皇太子又曰某敢終辭主人揖皇太子
報揖主人升立於阼階上西面皇太子升進當房戶前
北面跪奠鴈俛伏興再拜降出主人不降送內廐尉進
厭翟於內門外傅姆導妃司則前引出於母左師姆在
右保姆在左

執燭及侍
從如式

父少進西面戒之必有正焉若

衣若笄命之曰戒之敬之夙夜無違命母戒之西階上施
衿結悅命之曰勉之敬之夙夜無違命庶母及門內施顰
申之以父母之命命之曰敬恭聽宗父母之言夙夜無
愆視諸衿顰妃既出內門至輅後皇太子授綏姆辭不
受曰未教不足與為禮妃升輅乘以几姆加幃皇太子
乃馭輪三周馭者代之皇太子出大門乘輅還宮侍衛
如來儀妃儀伏次於後主人使其屬送妃以次族從

同牢

其日司閨設妃次於東閣內道東南向掌筵鋪褥席將
夕司閨設皇太子御幄於殿室內西廂東向鋪地席重
裯施屏障設同牢之席於室內皇太子之席西廂東向
妃東廂西向

席皆莞筵紛純
加藻席繡純

席間量容牢饌典膳監設

洗於東階東南東西當東雷南北以堂深壘水在洗東

篚在洗西

篚實以二
巾二爵

設妃洗於東房近北壘水在洗西南肆

篚在洗東北肆皆加勺巾幕典膳監預饌於東房西牖下豆

各二十簋簠各二鉶各三瓦登一皆加巾蓋俎三尊在室內

北牖下玄酒在西皆加冪勺南柄

冪夏用絺冬用組

又設尊於房

戶外之東無玄酒籩在南實四爵合卺

其器皆烏漆惟斝以陶卺以瓢

皇太子車至侍臣下馬所車權停文武侍臣皆下馬車
右降立於輅左車動車右夾輅而趨車至左閭迴輅南
向左庶子進當輅前奏稱左庶子臣某言請降輅俛伏
興還侍位皇太子降輅入俟於內殿門外之東西面侍
衛如常儀庶子以下皆退妃至宮門鹵簿仗衛停於門
外近侍者從如常入至左閭外迴輅南向司則進當路

前啓請妃降輅掌筵依式執扇前後執燭並如常儀妃降輅就次整飾司閨引妃詣內殿門西東面皇太子揖妃以入又司閨前引升自西階姆從升執扇燭者陳於東西階內皇太子即席東向立妃即席西向立司饌進詣階間北面跪奏稱司饌妾姓言請具牢饌興司則承令曰諾司饌帥其屬升奉饌入設於皇太子及妃坐前醬在席前俎醢在其北俎三入設於豆東豕俎特於俎北

豆在俎醢之東

司饌設黍於醬東稷在東設淄於醬南

饌要方也設

對醬於東

對醬婦醬也設之當特俎

菹醢在其南北上設黍於豕俎

北其西稷稻粱設滫於醬北司饌啟會却於簠簋之南

對簠簋於北

啟發也豆蓋徹於房內

各加匕箸施設訖司饌北

面跪奏饌具興皇太子及妃俱坐司饌跪取脯擣於醢

取韭菹擣醢授皇太子又司饌跪取脯擣於醢取韭菹擣

醢授妃皇太子及妃俱受祭於上豆之間司饌興跪取

黍實於左手遍取稷反於右手授皇太子又司饌取黍

實於左手遍取稷反於右手授妃皇太子及妃各受祭

於菹醢之間司饌俱興各立取肺皆絕末跪授皇太子
及妃俱受又祭於菹醢之間司饌俱以肺加於俎掌嚴
授皇太子巾又掌嚴授妃巾皇太子及妃俱悅手以枲
扱上鉶遍擣之祭於上豆之間司饌品嘗太子饌又司饌
品嘗妃饌司饌各移黍置於席上以次跪授肺脊皇太
子及妃皆食以滷醬三飯卒食司饌北面跪奏稱司饌
妾姓言請進酒司則承令曰依奏興司饌二人俱盥手
洗爵於房入室詣酒尊所酌酒進北面立皇太子及妃

俱興再拜一人進授爵皇太子一人以爵授妃皇太子及妃俱受爵司饌俱退北面答再拜皇太子及妃俱坐皇太子及妃俱祭酒舉酒司饌各以肝從司則俱進受虛爵奠於篚司饌又俱洗爵酌酒再醑皇太子及妃受爵俱飲司則進受虛爵奠於篚三醑用卺如禮再拜皇太子及妃立於席後司則俱降東階洗爵升酌於戶外尊進北面俱奠爵興再拜皇太子及妃俱答拜司則俱坐取爵祭飲遂飲卒爵奠遂拜執爵興降奠爵於篚還

侍位司饌北面奏稱司饌妾姓言牢禮畢司則承令曰
諾司饌徹饌設於房司則前跪奏稱司則妾姓言請殿下
入俛伏興還侍位皇太子入於東房釋冕服著袴褶司
則啟妃入幃帷皇太子及妃乃入室媵餽皇太子之饌
御餽妃之饌

妃朝見

其日晝漏上水一刻所司設皇帝御坐於所御殿阼階

上西面

其席莞筵紛純加藻席畫
純次席黻純左右玉几

所司設皇后御坐於

室戶外之西近北南向尚食帥司饌設酒樽於房

內東壁下有坩加勺罍

尊用瓦甒實以醴齊

邊一豆一實以脯醢

設於尊北又設洗於東房近北蠡水在洗西篚在洗東

北肆

篚實以巾罍解一角枲一

其日夙興妃沐浴司則啟請妃內嚴

質明諸衛帥其屬陳布儀仗如常儀近仗入陳於寢門

外內廐尉進厭翟於正寢西階之前南向司則啟外辦

妃服褕翟加首飾以出降自西階升輅侍衛如常至降

車所司則贊妃降輅司言引妃入仗衛停於閣外障扇

侍從如常妃至寢門之外立於西廂東面諸衛勒所部屯門
布仗近仗入陳於所御殿閣外如常侍中奏內嚴尚儀
又奏請皇后內嚴妃既至寢門侍中版奏外辦皇帝服
通天冠絳紗袍以出升自阼階即御坐西向坐侍衛如
常儀尚儀又奏皇后外辦皇后褱衣首飾司言引尚宮
尚宮引皇后出即御坐向南侍從如常妃奉筭棗栗司
饌又執奉筭殿脩以從司言引妃入立於庭北面再拜
司賓引妃升自西階進東面跪奠筭於御坐前皇帝撫

之尚食進徹以東司言引妃自西階降復北面位奉筭
暇脩再拜司言引妃升進北面跪奠筭於皇后坐前皇
后撫之尚食進徹以東司言引妃退立於西序東面又
再拜司設設妃席於戶牖之間近北南面司言引妃立
於席西南向尚食入東房盥手洗觶酌醴齊加柶面柄出進
詣妃席前向北立妃進東面拜受醴尚食薦脯醢於席
前妃升席坐左執觶右取脯擣於醢祭於籩豆之間以
柶祭醴三始扱一祭又扱再祭降席進東面跪啐醴建

枹奠饌興東面再拜跪取饌興即席坐奠饌於薦東興
降席司賓引妃降自西階出閣外既出閣乘車還宮障
扇侍從如來儀

會羣臣

皇帝會羣臣於太極殿如正至之儀惟上壽辭云皇太
子嘉聘禮成克崇景祚臣某等不勝慶忭謹上千萬歲
壽

大唐開元禮卷一百十一

欽定四庫全書

史部

大唐開元禮卷一百十二至
五

詳校官編修_臣曹錫齡

編修_臣程嘉謨覆勘

總校官編修_臣王燕緒

校對官中書_臣吳俊

謄錄監生_臣劉宗望

欽定四庫全書

大唐開元禮卷一百十二

唐 蕭嵩等 撰

嘉禮

皇太子元正冬至受羣臣賀

并會

前二日本司宣攝內外各供其職前一日典設設皇太子幄坐於正殿東序西向守宮設羣官等次於東宮朝堂伶官帥展軒懸於殿庭以姑洗之均又設三鋪鐘姑洗夷則大呂各依其位設登歌以南呂之均又設麾於殿上並如常儀典設

郎鋪羣官牀坐於殿上文官三品以上於皇太子西南重行
北向武官三品以上於皇太子西北重行南向俱以東為上
朝集使三品以上及都督刺史各分於文武官之下設不升
殿者坐席於殿庭東西廂文官四品五品於懸東六品以下
於橫街之南每等異位俱重行西向北上武官四品五品於
懸西六品以下於橫街之南當文官每等異位俱重行東
向北上朝集使非升殿者分方各於文武官當品之下諸
州使人分方各於集朝使之下亦如之諸親於四品

五品之下

宗親在東異姓親在西掌儀仍各設版位

奉禮設門外位於東宮

朝堂之前文官在東武官在西俱每等異位重行相向

北上諸親位於文武四品五品之下

宗親在東異姓親在西

設諸

州朝集使位東方南方於宗親之南每等異位重行西

面西方北方於異姓親之南每等異位重行東面俱以

北為上典膳郎設尊於西廊下近北設不升殿者酒尊

各於其坐之南皆有坵畧俱障以帷其日質明諸衛率

各勒所部屯門列仗文武羣官依時刻集朝堂次各服

公服左庶子量時刻版奏請中嚴近仗就陳於閣外諸侍衛之官各服其器服俱詣閣奉迎伶官帥工人二舞入就位又伶官率一人升就舉麾位掌設贊者入就位吏部兵部戶部贊羣官俱出次通事舍人各引就門外位又舍人引羣官等非升殿者先入就位左庶子版奏外辦皇太子著從省服未冠則雙童髻以出侍衛如常伶官帥舉麾奏永和之樂皇太子即坐西向坐偃麾樂止凡樂皆伶官帥舉麾鼓枹而後掌儀一人升就西階上東面立贊者作偃麾戛鼓而後止

二人立於階下通事舍人引羣官以次入就位公初入

門舒和之樂作左庶子前跪奏稱左庶子臣某言請殿

下為公至興俛伏興還侍位皇太子降立於坐後

若有三公

諸伯叔則降立於東階下西面公至階則升立於坐後皇太子升降伶官紳舉麾樂作止如式公至階

樂止公以下升坐者俱脫履於階下

所司預設脫履席

通事舍

人接引羣官升就位立定掌儀唱再拜贊者承傳羣官

上下皆再拜訖通事舍人引羣官為首一人進皇太子

前東面立賀稱元正首祚景福惟新伏惟皇太子殿下

與時同休

冬至賀云天正長至
伏惟殿下與時同休

賀訖退復位皇太子答

再拜左庶子前承令進宣令訖羣官上下皆再拜左庶子前跪

奏稱左庶子臣某言請坐俛伏興還侍位皇太子坐掌儀唱就

坐贊者承傳羣官上下皆就坐俛伏坐伶官帥引歌者及琴

瑟至階脫履於下升就位坐其笙管者詣階間北面立

典膳郎進酒至階掌儀唱酒至興贊者承傳羣官上下

皆俛伏興立席後左庶子到階省酒典膳郎奉酒進皇

太子舉酒食官令又行羣官酒酒至掌儀唱再拜贊者承

傳羣官上下皆再拜

若皇太子遣
停拜則止

羣官皆搢笏受觶掌儀

唱就位贊者承傳上下皆就位俛伏興坐飲皇太子初
舉酒登歌作昭和之樂典膳郎進受虛觶復於坵登
歌訖降復位觴行三周典膳郎進食食升階左廉子到
階省案掌儀唱食至興贊者承傳羣官上下俛伏興立
坐後典膳郎品嘗食訖以次進置皇太子前食官令又
行羣官案

皇太子若不食及宮
臣案先下訖不須興

設食訖掌儀唱就坐贊

者承傳羣官上下皆就坐俛伏坐皇太子乃飯奏休和

之樂羣官上下俱飯皇太子食畢樂止仍行酒遂設庶
羞伶官帥二舞以次入作酒行九遍會畢掌儀唱可起
贊者承傳羣官上下皆俛伏起立席後左庶子前跪奏
稱左庶子臣某言請殿下降坐俛伏興還侍位皇太子
降立於坐後掌儀唱再拜贊者承傳羣官上下皆再拜
皇太子答再拜通事舍人引羣官降納履以出公初
降樂作

若有三公諸伯叔皇太子升
降伶官帥舉麾樂作止如式

公出門樂止左庶子

前跪奏稱左庶子臣某言請殿下升坐俛伏興還侍

位樂作皇太子升坐樂止羣官出畢

非升殿者仍立於殿庭左庶

子前跪奏稱左庶子臣某言禮畢俛伏興還侍位皇太

子興樂作皇太子降坐以入侍衛如來儀侍臣從至閤

樂止又通事舍人引侍殿庭者以次出皇太子若服袴褶

羣官及宮臣皆袴褶朝集使公服

升坐者脫履如式

若設四部

樂則去樂懸無警蹕伶官帥四部伎立於左右嘉善門

外羣官初坐伶官帥四部伎聲作而入各就坐以次作

如式

欽定四庫全書

大唐開元禮
卷一百十二

大唐開元禮卷一百十二

欽定四庫全書

大唐開元禮卷一百十三 唐 蕭嵩等 撰

嘉禮

皇太子元正冬至受宮臣朝賀

皇太子與師傅保相見

皇太子受朝集使叅辭

皇太子正至受宮臣朝賀

前二日本司宣攝内外各供其職前一日典設郎設皇太

子幄坐於正殿東序西向衛尉設宮臣次於重明門外伶官帥展軒懸之樂於殿庭以姑洗之均設麾於殿上西階之西又設為首者解劔席於懸西橫街之南並如常儀典儀設宮臣版位於懸南文東武西俱重行北面相對為首設典儀位於東階東南贊者二人在南差退俱西向北上設宮臣門外位文官道東武官道西重行相向以北為上

受朝

其日未明三刻開諸宮殿門諸衛率各勒所部屯門列

伏如常宮臣依時刻集重明門外皆就次各服其器服
左庶子奏請中嚴近伏就陳於門外伶官帥工人入就
位又伶官一人升就位諸侍衛之官各服其器服俱詣
閣奉迎典儀帥贊者先入就位通事舍人引宮臣俱就
門外位又舍人引六品以下先入就位左庶子版奏外
辦皇太子服遠遊冠絳紗袍以出左右侍衛如常儀皇
太子將出仗動伶官帥跪俛伏舉麾鼓祝奏永和之樂
皇太子升自阼階即坐西向坐偃麾戛敔樂止

凡樂皆伶官帥舉麾

工鼓祝而後作偃
麾戛敬而後止

通事舍人引宮臣五品以上次入就

位宮臣初入門奏舒和之樂至位樂止宮臣立定典儀
曰再拜贊者承傳宮臣在位者皆再拜訖通事舍人引
為首者一人詣西階為首者初行樂作至解劔席後樂
止為首者就席跪解劔置於席俛伏興通事舍人引升
階進當皇太子坐前東面跪賀稱元正首祚景福惟新
伏惟皇太子殿下與時同休

冬至云天正長至伏
惟殿下與時同休

俛伏

興通事舍人引降詣席後為首者跪著劔俛伏興樂作復

懸南位樂止宮臣俱再拜左庶子前承令降詣諸宮臣西
北東面稱令旨宮臣俱再拜宣令訖宮臣又再拜左庶子
還侍位典儀曰再拜贊者承傳宮臣在位者皆再拜通事
舍人以次引出還次為首者初行樂作出門樂止左庶子
跪奏稱左庶子臣某言禮畢俛伏興還侍位皇太子興樂
作皇太子降坐以入侍衛如來儀侍臣從至閤樂止

會

伶官設登歌於殿上以南呂之均典設郎鋪設宮臣牀座

於皇太子幄坐西南重行北向武官於皇太子幄坐西北重行南向俱以東為上設不升殿者坐席於西廊下設解劍席於懸西橫街之南俱以北為上典膳郎設壽樽於殿上西序之端東向有坫加爵一於樽下又設升殿者酒尊於西廊下近北設廊下者酒尊各於其坐之南皆有坫罍障以帷施設訖通事舍人引宮臣出次俱就門外位左庶子奏外辦皇太子遠遊冠絳紗袍以出侍衛如常皇太子將出仗動樂作皇太子升自阼階即坐西向坐樂止典儀一人升

就東階上西面立通事舍人引文武宮臣以次入就位

宮臣以次入就位宮臣初入門樂作為首者至位樂止

宮臣立定

若朝會別日設會贊拜如朝禮

左庶子前承令降命宮官升

坐在位者皆再拜通事舍人引應升殿者詣西階為首者

初行樂作至解劍席樂止宮臣各脫烏履跪解劍置於

席上俛伏興通事舍人引升階宮臣為首者一人升立

於階西東向以下各就坐後立其位於廊下者又通事

舍人引就坐後上下立定典膳郎進詣階間北面跪奏

稱典膳郎臣某言請賜宮臣上壽俛伏興左庶子稱令
曰諾典膳郎退升詣酒尊所東南立通事舍人引為
首者詣尊所北面立典膳郎酌酒一爵授為首者搢笏
受爵通事舍人引為首者詣皇太子坐前東面授左庶
子左庶子受爵進置皇太子前為首者執笏通事舍人引
為首者退東面跪稱某官臣某等稽首言元正首祚
云天正長至臣等不勝大慶謹上千萬歲壽俛伏興再拜宮
臣上下皆再拜立於席後左庶子前承令少退宣令訖宮

臣上下又再拜左庶子取爵奉進皇太子舉酒奏休和之樂宮臣上下皆舞蹈三稱萬歲皇太子舉酒訖左庶子進受虛爵以授典膳郎典膳郎受爵復於圜樂止初左庶子受虛爵殿上典儀唱再拜階下贊者承傳宮臣上下皆再拜通事舍人引為首者就坐後立殿上典儀唱就坐階下贊者承傳宮臣上下俱就坐俛伏坐伶官帥引歌者及琴瑟至階下脫履於下升就位坐又引笙歌進詣階間北面立典膳郎進酒至階殿上典儀唱酒至興

階下贊者承傳宮臣上下皆俛伏起立席後左庶子到階省酒典膳郎奉酒進皇太子舉酒食官令又行宮臣酒酒至殿上典儀唱再拜階下贊者承傳宮臣上下皆再拜搢笏受解殿上典儀唱就坐階下贊者承傳宮臣上下皆就坐俛伏坐飲皇太子初舉酒登歌作昭和之樂三終典膳郎進受虛解復於坵登歌訖降復位觴行三周典膳郎進食升階殿上典儀唱食至興階下贊者承傳宮臣上下皆執笏俛伏起立席後典膳品嘗食訖以

次進置皇太子前食官令又行宮臣案設食訖殿上典儀
唱就坐階下贊者承傳宮臣上下皆就坐俛伏坐皇太子
乃飯奏休和之樂宮臣上下俱飯食畢樂止仍行酒遂
設庶羞伶官帥引諸伎以次入作若賜酒左庶子前
承令詣東階上西面稱賜酒殿上典儀承傳階下贊者
又承傳宮臣上下皆執笏俛伏起再拜搢笏立受解就
坐俛伏坐飲訖俛伏起立授虛解執笏又再拜就坐俛
伏坐酒行九遍會畢殿上典儀唱可起階下贊者承傳

宮臣上下皆俛伏起立席後通事舍人引宮臣降詣解劍席
後跪著劍俛伏興納舄履樂作復懸南位樂止會於東
西廊下者仍立於席後立定典儀曰再拜贊者承傳宮
臣在位者皆再拜

廊下者拜於席後

諸伎俱作通事舍人引宮

臣以次出為首者初行樂作出門樂止左庶子前跪奏
稱左庶子臣某言禮畢俛伏興還侍位皇太子興奏休
和之樂皇太子降坐以入侍衛如來儀侍臣從至門樂
止

皇太子與師傅保相見

前一日衛尉設師傅保次於宮門外道西南向伶官帥展懸軒於殿庭以姑洗之均其日質明諸衛率各勒所部屯門列仗典謁設師傅保位於西階之西東向三少位於傅保之南少退東向北上太師太保太傅及三少至宮門通事舍人引就次左庶子奏請中嚴伶官帥工人入就位又通事舍人引師傅保及三少立於正殿門西差退俱東向左庶子奏外辦諸侍衛之官各服其器

服俱詣閤奉迎皇太子著從省服以出左右侍衛如常
儀休和之樂作至東階下西面立樂止通事舍人引師
傅保及三少入就位樂作止如常師傅保立定皇太子
再拜師傅保答再拜若三少特見則三少先拜通事舍人引師傅保
出樂作止如常師傅保出門左庶子前跪奏稱左庶子
臣某言禮畢皇太子入左右侍衛及樂奏如來儀

皇太子受朝集使叅辭

前一日典設郎設皇太子幄坐於東宮正殿東序西向

又設宮臣次及朝集使次於重明門外其日質明所司設宮臣朝集使位於殿庭諸衛帥各勒所部屯門列仗東宮文武官依時刻集朝堂就次服袴褶朝集使並就次服公服左庶子量時刻版奏請中嚴近仗就陳於閤外侍衛之官各服其器服就閤奉迎通事舍人各分引羣官及朝集使就門外位左庶子版奏外辦皇太子常服即坐西向坐通事舍人引宮臣次入就位掌儀曰再拜贊者承傳在位者皆再拜又通事舍人分引朝集使

橫行北向立定掌儀曰再拜朝集使皆再拜通事舍人承令詣朝集使前稱有令朝集使皆再拜宣令訖又再拜舍人引宮臣以次出其辭禮亦如之

大唐開元禮卷一百十三

欽定四庫全書

大唐開元禮卷一百十四 唐 蕭嵩等 撰

嘉禮

親王冠

前三日本司率其屬筮日筮賓於廳事前二日主人至
賓第掌次者引之次主人公服出立於大門外之西東
面賓公服立於阼階下西面僎者公服進於賓之左北
面受命出立於門東西面曰敢請事主人曰皇子某王

將加冠請某教之儻者入告賓出立於門左西面再拜
主人答拜主人曰皇子某王將加冠願某公教之賓曰
某不敏恐不能供事敢辭主人曰某猶願某人教之賓
曰王重有命某敢不從主人再拜賓答拜主人還賓拜
送主人命使者戒贊冠者使者至贊冠者大門外掌次
者引之次使者公服出立於門西東面儻者出請事入
告贊冠者出門左西面再拜使者答拜使者少進曰
王子某王將加冠某王使某請某位教之贊冠者曰某

不敏恐不能供事敢辭使者曰某王使某敢固以請贊
冠者曰王重有命某敢不從使者再拜贊冠者答拜使
者退贊冠者拜送前一日掌次者設次於大門外之右

南向其日夙興掌事者設洗於阼階東南東面當東霤

南北以堂深壘水在洗東加勺罍篚在洗西南肆

直實巾一

爵一席於東房西墉下陳衣於席東領北上袞冕服青

衣纁裳九章

五章在衣山龍華蟲火宗
彝四章在裳藻粉米黼黻

白紗中單黼領

青纁襪裾革帶鉤鐙大帶

青帶純其外上以朱
下以纁紉約用組

朱黻二

章山火劍飾以珠玉山玄玉雙珮纁朱雙綬四綵赤黃

縹紺純朱質纁文織長一丈八尺二百四十首廣九寸

小雙綬長二尺六寸色同大綬而首半之間施二玉環朱韞赤舄遠遊冠服絳紗單

衣白紗中單皂領標襪裾白裙襦赤襦假帶曲領方心

絳紗蔽膝白韞黑舄其革帶劍佩與袞服同緇布冠服

青衣素裳白紗中單青領標襪裾素韞其革帶大帶劍佩綬與冕服同

韞舄與遠遊冠服同緇纁其纁用皂巾方六寸屬於前兩隅犀簪櫛實於箱在

服南莞筵三紛純加藻席三緇純在南樽於房戶外之

西兩甌玄酒在西加勺畢設坩於樽東置二爵加罍豆十籩

十在服北俎三在籩豆之北

凡牲體節析加雜肺俎實羊豕及腊選實脯棗之類豆實菹醢

屬之設洗於東房近北罍水在洗西篚在洗東北肆實以巾實

明賓贊至於主人大門外掌次者引之次儼贊俱公服諸行

事者各服其服執樽罍篚者皆就位冕青珠九旒青纁充耳犀

簪導組纓色如其綬遠遊冠三梁金附蟬黑介幘纓青綏犀導

緇布冠青組纓冠冕各一箱各一人執之待於西階之東西北上

設主人之席於阼階上西面賓席於西階上東面皇子席於房

戶之西南面

房外

俱下莞上藻主人公服立於阼階當東序西南

諸親公服非公服者常服立壘洗東南西面北上

尊老者
隔別室

儼者公

服立於門內道東北面皇子雙童髻空頂幘雙玉導金寶飾綵

袴褶錦紳烏皮履立於房內南面主人贊冠者公服立於房內戶

東西面賓及贊冠者出次立於門西贊冠者少退俱東面北

上儼者進於主人之左北面受命出立於門東西面曰敢請

事賓曰皇子某王將加冠某謹應命儼者入告主人迎賓於

大門外之東西面再拜賓答拜

凡賓主拜揖入出
皆贊禮者相導之

主人揖

贊冠者贊冠者報揖主人又揖賓賓報揖主人入賓入
贊冠者次入及內門主人揖賓賓入贊冠者從之至內
雷將曲揖賓報揖至階主人立於階東西面賓立於階
西東面主人曰請公升賓曰某備將事敢辭主人曰固
請公升賓曰某敢固辭主人曰終請公升賓曰某敢終
辭主人升自阼階立於席東西面賓升自西階立於席
西東面贊冠者及庭盥於洗升自阼階入於東房立於
主人贊冠者之南俱西面主人贊冠者引皇子出立於

房戶外之西南面賓之贊冠者取纚櫛簪箱跪奠於皇子筵東端興席東少北南面立賓揖皇子賓主俱即坐皇子進升席南面坐賓之贊冠者進筵前北面跪脫雙童髻置于箱櫛畢設纚興復位立賓主俱興賓降盥主人從降賓東面辭曰願王不降主人曰公降辱敢不從賓降至壘洗盥手訖詣西階賓主一揖一讓升主人立于席後西面賓立于西階上東執緇布冠者升賓降一等受之

右執頂左執前詣皇子筵前北面跪冠興復西階上席後東面立賓之贊冠者進筵前北面跪頰結纓興復位皇子興賓揖皇子適房賓主俱坐皇子著青衣素裳之服出房戶西南面立賓主俱興賓揖皇子進立於席後南面賓降盥主人從降辭對如初賓盥手跪取爵於篚興洗訖詣西階賓主一揖一讓升主人立於席後西面賓詣酒尊所酌酒進皇子筵前北面立祝曰旨酒既清嘉薦亶時始加元服兄弟俱來孝友時

格永乃保之皇子筵西拜受爵賓復西階上東面答拜
執饌者薦豆籩於皇子筵前皇子升筵坐左執爵右取
脯孺於醢祭於籩豆之間祭酒興筵末坐啐酒執爵興
降筵西跪奠爵再拜執爵興賓答拜冠者升筵跪奠爵
於薦東興立筵西南面執饌者徹薦爵賓揖皇子皇子
進升筵南面坐賓之贊冠者跪脫緇布冠置於箱櫛畢
設纚興復位賓降二等受遠遊冠右執頂左執前詣皇
子筵前北面跪冠興復位賓之贊冠者坐設簪結纓興

復位皇子興賓揖皇子皇子適房賓主俱坐皇子著朝服出房戶西南面立賓主俱興賓揖皇子進立席後南面賓詣酒尊所取爵酌酒進皇子筵前北面立祝曰旨酒既滑嘉薦伊脯乃中其服禮儀有序祭此嘉爵承天之祐皇子筵西拜受爵賓復西階上東面答拜執饌者進籩豆皇子升筵坐左執爵右祭脯醢祭酒興筵未坐啐酒執爵興降筵西跪奠爵再拜執爵興賓荅拜皇子升筵坐奠爵於薦東興立於筵西南面執饌者徹薦爵賓揖皇子進升

席南面坐賓之贊冠者跪脫進賢冠置於箱櫛畢設纓興復位賓降三等受冕右執頂左執前詣皇子筵前北面跪冠興復位賓之贊冠者坐設簪結纓興復位皇子興賓揖皇子適房賓主俱坐主人贊冠者徹櫛箱入於房皇子著袞冕之服出房戶西南立賓主俱興賓揖皇子皇子進立於席後南面賓詣酒尊所取爵酌酒進皇子筵前北面立祝曰旨酒令芳籩豆有楚咸嘉其服肴升折俎承天之慶受福無疆皇子筵西拜受爵賓復位東面答

拜執饌者薦籩豆設俎於籩豆之南皇子升筵左執爵
右祭脯醢贊冠者取脯一以授皇子奠爵於薦西興受
却左手執本坐右絕末以祭上左手齎之興加於俎皇
子坐悅手執爵祭酒興筵末坐啐酒興降筵西南面坐
奠爵再拜執爵興賓答拜皇子升坐奠爵於薦東興贊
冠者引皇子降立於西階之東南面初皇子降賓降自
西階直西序東面主人降自東階直東序西面立賓少
進字之曰禮儀既備令月吉日昭告爾字爰字孔嘉君

子攸宜宜之於嘏永受保之曰孟某甫仲叔季唯其所當皇子曰某雖不敏夙夜祇奉賓出主人送於內門之外主人西面請賓曰公辱執事請禮從者賓曰某既得將事敢辭主人曰敢固以請賓曰某辭不得命敢不從賓就次主人入初賓出皇子東面見諸親諸親拜之皇子答拜皇子入見內外諸尊於賓所賓主既釋服改設席訖賓贊俱出次立於門西東面主人出門東西面主人揖賓賓報揖主人先入賓贊從之至階一揖一讓

升各就坐後立定俱坐會訖賓主俱興賓立於西階上贊冠者在北少退俱東面主人立於東階上西面掌事者奉束帛之篚升授主人於序端主人執篚少進西面立又掌事者奉幣篚升立於主人之後於幣篚升牽馬者牽兩馬入陳於門內三分庭一在南北首西上賓還西階北面贊冠者立於賓左少退俱北面再拜主人進立於楹間南面贊進立於主人之右俱南面東上主人授幣賓受之退復東面位於主人授幣掌事者

又以幣篚授贊者退復位主人還阼階上北面拜送賓贊降自西階從者迓受幣賓當庭實東面揖出牽馬者從出從者迓受馬於門外賓降主人降送賓於大門外西面再拜賓退主人入皇子詣闕至次著朝服通事舍人引皇子入詣皇帝所御之殿至闕閣近臣入奏皇帝即坐南向坐近臣出引皇子入立於階間北面再拜近臣引出皇子至皇后殿閣外近臣附奏皇后即御坐南向坐司言至閣引皇子入立於階間北面再拜司言

引出閭皇子出還第如來儀

大唐開元禮卷一百十四

欽定四庫全書

大唐開元禮卷一百十五 唐 蕭嵩等 撰

嘉禮

親王納妃

納衆問名

納吉納徵

請期

冊妃

親迎

同牢

妃朝見

婚會

饗丈夫送者

饗婦人送者

納采

前一日主人設使者次於大門之外道右南向其日大

昕使者公服乘犢車備儀仗至於妃氏大門外掌次者

延入次

凡賓主及行事者公服

主人受其禮於廟

無廟者受于正寢

掌事者布

神席於室戶外之西莞筵紛純加藻席畫純南向右雕

几使者出次謁者引之立於大門外之西東面主人立

於東階下西面儼者立於主人之左北面受命出於大

門外之東西面曰敢請事使者曰某公貺室某王

謂皇帝弟

皇帝子也

某王率由先典使某也請納采

某王主婚者也某也使名

儼

者入告主人曰某之子蠢愚又弗教某王命之某不

敢辭

某王亦謂主婚者也

儼者出告掌畜者以鴈授使者退立於

後使者左手執之儼者引主人迎於大門外之東西面

再拜使者不答拜主人揖入使者從入主人入門而右

使者入門而左至於廟門主人又揖入每曲揖至內雷

將曲揖當階揖使者皆不答主人曰請吾子升使者曰

某敢辭主人曰固請吾子升使者曰某敢固辭主人曰
終請吾子升使者曰某敢終辭主人升自東階當阿
也西面使者升西階當阿東面使者曰敢納采主人阼
階上北面再拜進立於楹間南面使者進立於主人之
西俱南面使者授鴈降自西階以出

問名

使者既出立於廟門外之西東面主人還阼階東左右
受鴈於序端主人降立於阼階下西面儻者進受命出

請事使者曰某既受命將加諸卜敢請女為誰氏儻者
入告主人曰某王有命再以備數而擇之某不敢辭儻
者出告掌畜者以鴈授使者退立於後儻者引主人迎
於廟門外之東西面揖使者以入主人入門而右使者
入門而左二揖至階三讓如初主人升阼階當阿西面
使者升西階當阿東面使者曰敢問名主人阼階上北
面再拜進立於楹間南面使者進入於主人之西俱南
面使者授鴈還立於西階上東面主人還阼階上西面

立曰某第某女某氏出使者降出立於大門外之西東
面主人還阼階東左右受鴈於序端主人降立於阼階
下西南儗者進受命出請事使者曰禮畢儗者入告主
人曰吾子為事乃至於某室某有先人之禮請禮從者
儗者出告使者曰某既得將事敢辭儗者入告主人曰
先人之禮敢固以請儗者出告使者曰某辭不得命敢
不從儗者入告遂引主人升立於序端掌事者徹几改
筵東上

筵簋紛純加藻
席績純雕几

設罇甒醴於東房西墉下加勺

冪站在樽北實解一角杓一加冪邊豆在站北實以脯醴設
洗於東房近北壘水在洗西篚在洗東北肆篚實以巾
加勺冪施設訖儼者引主人降迎使者於廟門外之東
西面主人揖使者使者報揖主人入使者從入至階一
讓升主人於阼階上北面再拜旋立於階東西面賓於
西階上北面答拜旋立於階西東面主人受几於序端
掌事者內拂几三奉兩端西北向進主人東南向外拂
几三振袂內執進之北向使者迎受於筵前東南向以

侯主人還阼階上北面再拜送西面立使者以几避進
北面坐設於坐左興退於西階上北面答拜旋立於階
東西面贊者盥手洗解酌醴加枲於解覆之面葉出房
南面立主人受醴面柄進筵前北面立使者西階上北
面一拜進筵前東南面受醴復西階上位主人復阼階
上北面一拜送贊者薦脯醢於筵前使者進升筵坐左
執觶右取脯擣於醢祭於籩豆之間以枲祭醴三始扱
一祭又扱再祭興以枲兼諸觶上獵筵於西階上北面

坐啐醴建柶奠饌遂拜執饌興主人答拜使者進升筵
坐奠饌於薦東降筵立於西階上東面掌事者牽兩馬
入於陳門內三分庭一在南北首西上又掌事者奉籩
幣升自東階主人受於序端進西面立使者西階上北
面再拜主人進楹間南面立使者立於主人之西俱南
面主人以籩幣授使者使者退立於西階上東面主人
還阼階上北面拜送使者降自西階從者迓受幣使者
揖馬以出牽馬者從之使者出大門之西東面立從者

逕受馬主人出門東西面拜送使者退主人入立於阼
阼下西面儼者告於主人曰賓不顧矣主人乃還於寢

納吉

前一日主人設使者次如常其日大昕使者至妃氏大
門外贊禮者延入次掌事者設几筵如初使者出次謁
者引立於主人大門外西東面主人立於阼階下西面
儼者進受命出請事使者曰某公有貺命加諸卜占曰
吉某王使某也敢告

某王主
婚者

儼者入告主人曰某之子

弗教唯恐弗堪某王有吉某與在焉某不敢辭儼者出告掌畜者以鴈授使者退立於後儼者引主人迎於大門外之東西面再拜使者不答拜主人揖入使者從入主人入門而右使者入門而左至於內門主人揖入二揖至階三讓如初主人升於阼階當阿西面使者升自西階當阿東面使者曰敢納吉主人阼階上北面再拜進立於楹間南面使者進立於主人之西俱南面使者授鴈降自西階以出立於廟門外之西東面主人還阼

階東左右受鴈於序端主人降立於阼階下西面僎者進受命出請事使者曰禮畢其禮賓如問名之儀

納徵

前一日主人設使者次如常其日大昕使者至妃氏大門外掌次者延入次掌事者入布幕於廟門之外玄纁束陳於幕上乘馬在幕南北面西上掌事者奉璋以匱俟於幕東西面主人掌事者設几筵如初使者出次謁者引立於大門外之西東面主人立於東階下西面僎

者進受命出請事使者曰某公有嘉命貺室某王率由
先典使某也以玉帛乘馬請納徵儻者入告主人曰某
王順先典貺某以重禮某敢不承命儻者出告又儻者
引主人出迎立於大門外之東西面再拜使者不答拜
主人揖入使者從入主人入門而右使者入門而左至
於內門主人立於門東西而使者立於門西東面掌事
者坐啓匱取璋加於玄纁上興以授使者退復位使者
奉玉帛主人揖與使者俱入牽乘馬者從入陳於庭三

分庭一在南北首西上主人揖入二揖至階三讓如初
主人升阼階當阿西面使者升西階當阿東面使者曰
敢納徵主人阼階上北面再拜進立於楹間南面使者
進立於主人之西俱南面使者授玉帛降自西階出立
於內門外之西東面主人還阼階東左右受玉帛於序
端主人降立於阼階下西面主人受玉帛受馬者自左
受之以東牽馬者既授馬自門西而出儼者進受命出
請事使者曰禮畢其禮賓如問名之儀

請期

前一日主人設使者次如常其日大昕使者至妃氏大門外贊禮者延入次掌事者設几筵如初使者出次謁者引立於大門外之西東面主人立於東階下西面僮者進受命出請事使者曰某公有賜既申受命矣某王使某也請吉日僮者入告主人曰既前受命矣惟命是聽僮者出告使者曰某王命聽命於某公僮者入告主人曰某惟命是聽僮者出告使者曰某王使某受命於

某公公不許某敢不告期曰某日儼者入告主人曰某敢不敬須儼者出告掌畜者以鴈授使者退立於後儼者引主人迎於門外之東西面再拜使者不答拜主人揖入使者從入主人入門而右使者入門而左至於內門主人又揖入二揖至階三讓如初主人升阼階當阿西面使者升西階當阿東面使者曰敢告期主人阼階上北面再拜進立於楹間南面使者進立於主人之西俱南面使者授鴈降自西階出立內門外之西東面主人

還阼階東左右受鴈於序端主人降立於阼階下西面
賓者進受命出請事使者曰禮畢其禮賓如納徵之儀

冊妃

前一日主人設使者次如常其日大昕妃氏親屬咸集
使者公服乘輅備儀仗至妃氏大門之外贊禮者延入
次使主副以下俱公服使者出次典謁引使者持節者
前導立於門西東面持節者立於使者之北少退使副
立於使者西南史二人對舉冊案立於使副之南少退

俱東面主人公服以出贊禮者引立於東階東南諸宗人立於主人東南俱西面外姻立於西方東面皆北上妃嚴於別室以俟姆服禮衣立於其右

保傅各一人

女相者

綵禮衣帥女贊者二人綵禮衣立於內寢東階東南西面北上贊禮者公服引主人出門東西面再拜使者不答典謁引使者持節者前導入門而左使副以下從之主人立於閤外之東西面典謁引使者入閤立於內寢階間南面持節者立於使者之東少南西面使副立於

使者西南持冊案者又立於使副之南少退俱東面女相者引妃出障以行帷其侍從提絜如式姆左右以相進當使者南北面立持節者脫節衣又女相者引宗人外姻之婦人序位於東西廂俱北上

宗人在東
外姻在西

立定史舉案詣使副前使

副受冊史以案退復位使副奉冊進授使者退復位使者稱有制女相者曰再拜女贊者承傳妃再拜使者讀冊訖女相者再拜女贊者承傳妃再拜訖女相者引妃少前傅姆進受冊以退其羽儀依式俱進持節者加節衣典謁引使者持節者前導以

出俱復門外位主人拜送於門外使者還主人入初使者出女相者引妃入

親迎

前一日主人設賓次如常其日大昕妃父服其服告於

禰廟

以酒脯告之一獻無廟者告於寢

初昏王著袞冕之服乘輅備儀

仗從者乘車後部從詣妃第王將至主人布席於室戶外之西西上右几又席於戶內南向設樽罍醴於東房東北隅加勺簠簋在樽南實饌一角枲一脯醢在簋南

王至妃氏大門外降輅贊禮者引王停次妃著花釵褕衣纁褊入於房即席南向立姆禮衣立於右從者陪於後主人升自阼階立於房戶外之東西內贊者詣醴尊所以解勺醴加柶覆之面柄進妃筵前北面妃降席西南面再拜受解內贊者薦脯醢於席前妃升席跪左執解右取脯孺於醢祭於籩豆之間遂以柶祭醴三始扱一祭又扱再祭興筵末跪啐祭醴建柶奠解於薦東降筵西南面再拜就席坐內贊者徹薦解主人降立於東

階東南西面贊禮者贊王出次立於門西東面左右羽儀及執燭者如常儼者進受命出於門東西面曰敢請事王曰以茲初昏使某將請承命儼者入告主人曰某固敬具以須儼者出告又儼者引主人迎於大門外之東西面拜王答拜主人逡巡主人揖王報揖主人入掌畜者以鴈進王受鴈左手執之以入及內門主人曰請王入王曰某弗敢以先主人又曰固請王入王曰某固弗敢以先主人揖王報揖王與主人俱入左右從者如常主人揖入及內雷將曲揖當階揖

王皆報至階主人曰請王升王曰某敢辭主人曰固請
王升王曰某敢固辭主人曰終請王升王曰某敢終辭
主人升阼階西面立王升西階進當房戶前北面跪奠
鴈興再拜降出主人不降送初王入門母出立於房戶
外之西南面於王拜訖姆導妃出於母左父少進西面
戒之必有正焉若衣若笄命之曰戒之敬之夙夜無違
命母戒於西階上施衿結悅戒之曰勉之敬之夙夜無
違命庶母及門內施鞶申之以父母之命命之曰敬恭聽

父母之言夙夜無愆視諸衿帨

帨囊也婦人帨絲所以盛帨巾之屬

妃出

至車後王授綏姆辭不受曰未教不足與為禮妃乘以
几從者二人坐相對持之姆加幃王乃馭輪三周馭者
代之王出大門乘輅還第如來儀妃鹵簿次從而行

同牢

初昏掌事者設洗於東階東南東西當東雷南北以堂深壘

水在洗東篚在洗西南肆

篚實二巾二爵

設妃洗於東房近北壘水

在洗西篚在洗東北肆皆加巾勺幕設饌於東房西墉下障

以帷邊豆各十六簋簋各二登各二皆加勺蓋俎三羊豕
及腊羊豕皆節折尊坫於室內北墉下玄酒在西加羶
勺皆面柄

羶夏用絺

冬用組

又設尊於房戶外之東加勺羶無

玄酒坫在南實四爵合卺加羶王至降輅車以俟妃至
降車北面立王南面揖妃以入及寢門又揖以入贊者
徹尊羶酌玄酒三注於尊妃從者設席於奧東向王導
妃升自西階入於室即席東面立妃入立於尊西南面
王盥於南洗妃從者沃之妃盥於北洗王從者沃之盥

訖王及妃俱復位立贊者以饌入設於席前贊者設醬

於席前菹醢在其北俎三入設於豆東腊特於俎北

豆東

菹醢

之東設黍於醬東稷稻粱在東設滂於醬南設對醬於

東

對醬婦醬也設之當特俎

菹醢在其南北上設黍於腊北其西稷

稻粱設滂於醬北司饌啟會却於簠簋之南對簠簋之

北

啟發也

皆加七箸王從者布隊對席於饌東贊者西

面告饌具王揖妃妃即對席西面皆坐贊者皆授箸各

以菹孺於醢皆祭於豆間又皆祭黍贊者各取肺皆

絕末以授皆祭贊者以肺加於俎

凡祭與食皆贊者贊之

贊者各移黍置

於席上授肺脊皆食以滑醬三飯卒食贊者二人俱洗爵於房酌於室內之樽詣饌南北面以醕王及妃皆興再拜受爵贊者北面答拜王及妃皆坐祭酒贊者以肝從皆奠爵取肝振祭齊之贊者皆受實於俎豆各取爵皆飲訖執爵興贊者受爵王及妃皆再拜贊者以爵復於坵王及妃俱坐贊者又以爵酌再醕王及妃受爵不祭而飲卒爵贊者受爵復於坵三醕用鬯如再醕贊者皆降東階洗爵升酌於戶外尊入詣

饌南北面俱跪奠爵興再拜皆坐取爵祭酒遂飲卒爵
遂拜執爵興降奠爵於篚王出妃退立於尊西南
面贊者徹饌設於東房內如初又徹室內酒尊以出王
脫冕服於房妃從者受之妃脫服於室王從者受之姆
授巾王從者衽於奧妃從者衽良席在東皆有枕北趾
王入燭出妃從者餼王之餘王從者餼妃之餘贊者酌
戶外樽酌之

王從者皆婦人

妃從者侍於戶外呼則聞

妃朝見

其日依時刻諸衛勒所部屯門列仗妃夙興沐浴著花
釵服綸衣乘厭翟車以出侍從如常入至降車所妃下車
司賓引妃立於閣外近臣入奏皇帝即御座南向坐近
侍如常妃奉筭棗栗司賓引妃入立於庭北面妃再拜
司賓引妃升自西階進北面跪奠於皇帝前興皇帝撫
之尚食進徹以東司賓引妃降復位又再拜尚儀前承
勅降詣妃西北東面稱勅旨妃再拜宣勅訖妃又再拜司
賓引妃出遂詣皇后所御之殿立於閣外妃奉筭殿

脩六尚以下各服其服俱詣閣奉迎尚儀入奏皇后即御座南向坐近侍如常司賓引妃入立於庭北面再拜司賓引妃自西階進北面跪奠於皇后前興皇后撫之尚食進徹以東司賓引妃降復位又再拜尚儀前承令降詣妃西北東面稱令旨妃再拜宣令旨訖妃又再拜司賓引妃出閤侍從如常妃乘車還第如來儀

婚會

主人及賓俱公服饌以籩豆簠簋俎鉶尊爵巾玷其日

主人至於賓大門外之西東面立賓立於東階下西面
儼者進於賓左北面受命出立於門外之東西面曰敢
請事主人曰某有嘉禮請公有顧

王者稱王以下准此

儼者入告

遂引賓出大門外之東西面再拜主人答拜主人曰某
有嘉禮請公有顧賓曰敢辭主人曰敢固請賓曰辭不
得命敢不敬從主人拜賓答拜主人還賓遂與諸親從
之掌事者預鋪賓席於堂上楹間近北南面設賓之宗
室席位於賓席西南賓之異姓席位於宗室之南又於

西廊下設異姓席位皆重行東向以北為上設主人席位於東階上西向設主人宗室席位於主人東北設異姓席位於宗室之北皆重行西向以南為上又設主人異姓席位於東廊下重行西向以南為上賓至主人大門外之西東面賓之宗室立於賓西南異姓立於宗室之南俱重行東北以北為上僮者引主人出立於大門外之東西面主人諸親立於大門內之東重行西面以南為上立定主人西面再拜賓東面答拜主人揖賓賓報揖僮者引主人以入

又儻者引賓以入賓之諸親以次從入至門內主人諸親從入如常至階主人揖賓報揖賓主及諸親以次升各立於席後其在庭者亦如之立定賓主及諸親俱坐執觴者酌酒升自東階酒升堂賓主及諸親皆起執觴者以酒授主人儻者引主人進詣賓席前西北向立賓自席西進東向南受酒儻者引主人退復位賓還席後賓主及諸親俱坐執觴者又以酒授主人及諸親賓主俱祭而飲諸親不祭而飲觴行一周食升堂賓主及諸親

皆起掌食者以醢醬豆授主人儗者引主人進設於賓
席前賓曰請公無辱主人曰不敢忘禮儗者引主人復
位執饌者以饌進設於賓主席前加以匕箸執饌者又
以饌設於衆賓以下置設訖賓主及諸親皆坐賓主皆
祭而食諸親不祭而食於賓祭主人辭曰疏食不足
祭賓主俱食三飯而止主人曰請公食賓更飯食畢進
度羞觴行如常會畢賓主及諸親興儗者各引賓主以
下降出賓主及賓之諸親皆復門外位主人諸親復門

內位主人再拜送賓退儼者引主人入

婦人禮會

賓乘車入至下車所內儼者引入主人送迎於閤內相稱之辭各准其夫餘如丈夫之禮

饗丈夫送者

其日掌事者鋪賓席於堂上楹間近北南向又鋪主人席於阼階上西向又設衆賓之席於賓席西南設從者席於西廊下俱重行東向以北為上儼者引賓以下立

於主人門東西面主人揖賓賓報揖賓者各引賓主以下入至階主人揖賓賓報揖賓主以下俱升立於席後立定賓主以下俱坐遂進酒設食如婚會之儀會畢賓主以下俱興僎者引賓立於西階上東面主人掌事者牽乘馬入陳於門內三分庭一在南北首西上又掌事者奉束帛之篚升授主人主人執篚西面立賓西階上北面再拜主人進立於楹間南面賓進立於主人之右俱南面主授篚賓受之退立於西階上東面主人還阼階


上北面再拜送賓者引賓以下降自西階從者迓受籬賓及庭東面揖左馬以出牽馬者從之在庭者以次出俱復門外位從者迓受馬初賓降賓者引主人降自東階出門東西面拜送賓退主人入

饗婦人送者

其日女贊者鋪賓席於堂上楹間近北南向又鋪主人席於阼階上西向又設衆賓之席於賓西南設從者席位於西廊下俱重行東向以北為上女相者引賓以下

立於主人門外之西重行東面以北為上立定女相者引主人出立於門內之東西面女相者引賓入衆賓以下從入賓入門西東面立定賓主以次進至階升各立席後上下立定俱坐遂進酒設食如婚會之儀會畢賓主上下俱興女相者引賓立於西階上東面女相贊者奉束錦之筐升以授主人主人執筐進於楹間南面立女相者引賓進立於主人之右俱南面主人授幣訖女相者引賓降出從者迓受筐衆賓以下從出初賓降女

相者引主人降送於門內賓出女相者引主人入



欽定四庫全書

卷一百十五

大唐開元禮卷一百十五